

CATULLUS I, 5

Vivamus, mea Lesbia, atque amemus,
rumoresque senum seueriorum
omnes unius aestimemus assis¹!
soles occidere et redire possunt:
nobis, cum² semel occidit brevis lux,
nox est perpetua una dormienda.
da mi basia mille, deinde centum,
dein mille altera, dein secunda centum,
deinde usque altera mille, deinde centum.
dein, cum³ milia multa fecerimus,
conturbabimus illa, ne sciamus,
aut ne quis⁴ malus inuidere possit,
cum⁵ tantum sciat esse basiorum⁶.

¹ *aestimemus omnes rumores unius assis*: aestimemus rumores sicut aestimamus unum assem, id est, rumores despiciamus.

² *cum*: ubi, quando.

³ *cum*: ubi, quando.

⁴ *quis*: aliquis.

⁵ *cum*: quod, quia (causam indicat).

⁶ *tantum esse basiorum*: “tanta basia esse” interpretatur.